

西園存稿卷之十目錄

五言排律

家仲招飲西醮樓用友人韻即席賦

湯太史嘉賓米明府仲詔招集得鞍字

題漢宮傳燭圖

壽李家宰對泉老師

六月六日賦壽趙濂師相公沈夫人

贈方鳧陽民部出守廣州

梅少府招飲范園 周塘公館題壁

小酌七星巖用趙濂陽太史韻



王幼度明府下車龍門以便面詩見寄用來韻却答
丁巳冬日携兒妾輩歸寧五羊諸君子載酒

贈何叅戎

正月十三夜元陟先生見過觀燈留酌

贈孫子真

壬申臘月廿七日立春邀韓宗伯余明府林

太學同集

西園存稿卷之十

羅浮張

萱孟奇甫著

元孫紹遠來孫國相補闕

五言排律

家仲招飲西醮樓用友人韻卽席賦

避世真成僻憑高思欲仙嶺雲頻釀雨溪樹半拖
烟日落下山牧林依斫岸船片帆孤眺外歸鳥一
尊前溽暑消雄飲涼颺逗晚筵窮途方落托狂態
轉飛騫碩友金蘭契新詞日月懸相逢成一醉吟
罷意翛然

湯太史嘉賓米明府仲詔招集得鞍字

上國開芳社名園簇繡鞍朱明初啓序粉署數邀

懽共載枚生筆時彈貢氏冠朝從花底散山向柳

邊看地接瀛洲勝歌聞蜀道難仲詔佳賓不速客

時楊祖植陸才子謾爲官元結綠蟻浮瑤尊朱櫻

行玉繁庭虛不受暑月淡欲生寒散帙燒高燭題

詩坐曲欄良辰恣宴賞清夜美遊盤薄宦真雞肋

浮生盡鼠肝野鱗方困鬪先一日日枝鵲未全安

湖海孤蓬轉風塵西鬢殘撫時休仰屋努力且加

餐

題漢宮傳燭圖 閣試

勝事留芳蹟春光在玉牋燧從司炬改燭自漢宮

傳列炬擎金跋繁星照錦韉火纔三日禁炎却五

侯先縱日恩輝滿披圖帝澤偏何時噓冷燼亦向

此中然

壽李家宰對泉老師

黼辰勤三事台符肅六聯明廷求柱石間氣應奎

躔跡舊伊耕野公河南延津名高岳降賢老臣新

西園存稿 卷之十一
寵渥聖主晚恩偏特起東山枕爰窺北極璿文章
增氣色寰海盡陶甄履曳星辰上衡持日月邊回
春在一筆造命總三銓巨室瑰林輳高旻朗鑒懸
乾坤八座正桃李四時妍慧紫金輪轉圓明玉版
禪已登菩薩位且現宰官緣公精佛理福介懸弧日期
逢執象年尊開既醉宴花浦艷陽天蘭祀翔和靄
槐衢覆瑞烟岡陵懽祝願冠蓋盛鳴翻白鹿瑤華
麗青牛紫氣旋麟祥應麇至鴻羽止飛騫撮上難
增岱洪流詎納涓好由工瑟後恩在掃門先豈有

千金骨誰云百鍊鉛慙摘雞樹草空簇鳳池仙已
濫青黃飾寧忘頂踵捐且將三祝語聊續九如篇
六月六日賦壽趙淑師相公沈夫人

紫閣璣衡重彤軒寵眷頻仙媛逢設帳上相復垂
紳花甲初中日天書再降辰宋祥符中六月六日天書再降名天貺節

昔叅香案吏今護宰官身窈窕宜君子溫柔娛老
臣周顛歌八士孔瑞叶雙麟夫人一乳兩子曾說金爲母

遙聞玉是人勳萃無衣開黼黻有針神內膳桃分
薦宮在花正新雲輶朝絳節鳳吹沸霞茵節步懸

垂棘搖珠綴大秦翠幃團紫氣金屋貯長春且獻
西方頌寧論東海塵願言永怙恃終自愧陶甄

贈方臯陽民部出守廣州二十二韻

聖主崇才彥明時句要荒夢乃辭北關建隼領東
方楚璞連城重荆金躍冶良壯猷元老喬玆選度
支郎露冕垂朱紱褰幃耀赤璋牙旗開五嶺鐵軸
渡三湘出海雲霞近連天驛路長貨通獅子國琛
貢象王鄉俗朴文能化民淳賦易償辟寒犀角重
解酒荔枝香白氎家家織紅蕉處處雀茱莎城巢
翠篆案蔭桃柳風靜鷄居去官廉蚌蛤光島燹同
蹈舞蠻洞送圖章不用相如檄曾聞陸賈裝但防
山易嘯莫使海頰航主父猶延鼎文翁坐講堂歸
依軫縞帶顛倒着衣裳易水虹長白燕臺日正黃
受塵思帝壤講德播詞場掇拾呈繁響雕鏤浣澁
腸不能供屏屢聊以代壺漿

梅少府招飲范園

建水春方麗名園綠正饒通家原十載促膝始今
宵兄弟聯朱翮文章落絳霄白肩君獨擅文石步

西園存稿 卷之十
非遙梅福舞拂前溪艷歌翻子夜嬌相逢不惜醉
更勝宴虹橋

周塘公館題壁

道路數登頓山川正鬱蒼
潭泥車格磔落日馬玄黃
嶺複天疑小溪迴路較長
雲邊窺鳥背樹杪度羊腸
載燧投荒驛停驂饋野蕪
籥傳急足關吏候嚴裝
好鳥當人語深花撲鼻香
客懷今稍愜明日是雷鄉

小酌七星巖用趙激陽太史韻

久慕星巖勝年來始一遊
峻嶒金焰聳鴻頰鏘光浮
玉滴千年乳風藏萬斛秋
暗池通竝棹絕棧側重樓
改席依奔鵠尋封起臥軒
太華知讓秀勾漏不言幽
蒼響疑飄梵褰裳且狎鷗
晚來歸詠駿嘯破玉虹州

王幼度明府下車龍門以便面詩見寄用來韻却答

有客雲霄上尋盟丘壑中
因知王不好始信瑟能工
竊寐山川間朋遊江海空
君曾答客難我已賦

西園存稿 卷之十 五
幽通韞櫃皆三別泥塗嗟五窮指歸思李謨

明府為李

本寧太史妹婿手韻憶玉濛莫惜鸞棲棘空憐馬逐蓬龍

門登有日九頓大王風

丁巳冬日携兒妾輩歸寧五羊黃元卿歐子

建節伯喬李烟客歐嘉可黃逢永相次載酒

汎集得三十六韻賦謝

家在羅浮下携來珠海濱棲棲憐數口擾擾忽三旬
蜃氣吹風急潮聲攪夢頻波颺船灑灑石出月
粼粼老樹丹爲幄荒郊綠減茵霜嚴鴉陣合天

馬行勻短日翻多事窮途畏惡賓如何事臺笠猶
復理冠巾拙效從吾好狂耽任爾嗔故侯休再問
醉尉莫須嗔自是馬牛走羞稱草莽臣友生邨可
仗僮僕且相親見帝常因鬼褰裳不問津雖非設
醴者幸有饋漿鄰野老從爭席衰容耻抗塵悠悠
萍梗日凜凜雪霜辰所遇渾非故相知不用新癡
兒跳作虎小婦首爲縻酌酒日與飲或紕夜對紉
因思雙鳳侶欲汎五湖春北道誰供屨東家竊效
噴遊囊已羞澁歸計尚遭迤客散堪羅雀書成欲

泣麟物情能自諳賓戲不須巾眷戀青雲罷徘徊
綠水瀕過從勤剝啄晤對輒周諄解帶話疇昔停
鑣問隱淪言尋黃髮老不負素心人得句真無敵
論文別有神鵬搏何日運龍性不須馴努力千秋
業加餐七尺身形骸原骯髒杯炙莫悲辛道在用
宜拙交窮老更真所嗟皆哲匠何以共蕭晨聚散
不足問寒暄難具陳知惟希乃貴此語請書紳
贈何叅戎書記方伯諫兼訂榕溪之約伯諫
昔者余友僉憲子及之從姪也

世講逢岐路神交自昔年粗豪湖海氣綺麗帝京

篇伯諫有金臺梓詩行於世莫問陸生橐曾饒宋玉田名從里

俠借書向國門懸賣賦千金薄揮毫五色鮮前籌
皆鑿鑿長揖更翩翩爲載觀濤客因乘下瀨船將
軍寬禮數我輩且周旋共有鹿麋性能無魚鳥緣
何時五石瓠同卧一溪烟

正月十三夜元陟先生見過觀燈留酌喜而
賦之

良夜燈初放新晴月未流如何二老者亦作少年

遊妙語絲為蠶

時公題燈以贈光
兒有勸探蠶之語

明年杖有鳩已

完兒女債莫問稻梁謀

往歲猶堪憶
癸亥燈夕見
先生亦嘗過

新詩且共酬不須穿夜市何必問更籌

孫子真客小園欲入羅浮弗果因過寶安鄧

玄度觀察下榻余亦繼至再訂羅浮之約時

子真哲嗣為寶安尉非其好也

天上少微客人間老畫師王已開三徑君今借一

枝就養非關祿停雲曾有詩江湖休遠適笠屐且

相隨青眼逢人處黃花對酒時羅浮丹竈在不必

問安期

壬申臘月廿七日立春邀韓宗伯余明府林

太學同集

臘向新春去春從舊臘來殘年畱兩日晴色滿三

台象嶺餘霞散驪峰宿霧開籬頭紅吐槿溪口綠

含苔三素雲初駕八輿仙暫回助天認嘉種脉土

闢汚萊絲勝金針巧鈎強畫鼓催老農驚問草遊

女競粧梅菜剪凌霜葉杯傾隔歲醅吟迎作賦客

同醉曝書臺

西園存稿卷之十目錄

七言排律

夏四月九日社集李將軍園亭

南園宴集

贈王幼度明府

曹能始觀察以詩見懷賦此寄謝

七言排律

夏四月九日社集李將軍園亭得樓字二十

四韻

朱明啓律草初齊翠甸尋芳酒竝携鞭影入林金
鞞側香塵滿道紫騮嘶芹芽綠轉溶溶水蕙葉晴
披曲曲堤佛日已隨春日去慈雲長傍野雲低樂
遊剩有濠間想往事應悲李下蹊寂寞名園惟葑
屋誼囂岐路閱輪蹄居人共說施行馬野燐曾驚
照鼓鼙荒沼久虛蛙一部空梁猶有燕雙棲未賚

華表丁爲鶴祗見桑顛午報鷄颯颯麥秋飛
蛺蝶垂垂槐露噪蟬蛩明霞忽散天邊綺
綵筆誰書葉上題象緯上千璇極北軒車
長驚玉溝西但能身健尊常滿莫問花遲
鳥不啼畫喜文明辰在壁名兼史隱客聯
奎螭頭雄視文中虎麟角光搖紙尾鷺度
曲笑翻紅芍藥中呂調 曲名分枰爭賭墨
後貌徐浩事且將歲月隨萍梗肯信珪璋雜
甌室白墮止堪澆磊砢黃封休倩洗污泥
積薪且莫嗟疲戟媚竈寧知學病畦浦座
盡投青玉案攔街遙唱白銅甃生憎變響
鴉爭椹惟底移封蟻上梨塵世總憐身是
夢豪華何用氣如霓看山正喜同搢笏把
臂還須再杖藜千載風流原我輩三時公事
付癡兒

南園舊社國初嶺南五先生之舊社圯廢二
百五十餘年今王太父太常虞石王公按
粵時偕黃士明黃亮垣韓緒仲陳集生四太
史陳抑之鄧玄度劉觀國三觀察高正甫太
守梁幼寧韓寅仲二明府韓孟郁黎瑞旬黃
逢永三孝廉及諸二三君子與不佞萱捐貲

脩復者也甲子秋八月萱督課兒輩就試棘
圍以十五夜汛掃南園宴集同社諸君子請
公小像爲萱所讚者懸社中禮而拜焉遂相
與授簡以續甘棠之詠萱得九青凡十二韻
先一夕月有食之因弁及焉

九霄涼色敞雲扃萬斛晴光浸畫屏何處鴈聲秋
已半喜看桂影露初零前宵擊鑑唵蛩斷此夕浮
丸夢鶴驚納腹金蟾聞遠道脩輪玉斧莫教停空
憐老子頭先白尚喜常儀眼倍青社向南園尋舊

侶人從北闕望台星遙思驄牙臨秦嶺已領夔龍
集漢廷伴拉煙霞原臭味賦成海岳失精靈千金
駿骨應叢市五嶺龍精正發硯竹下揮毫殘瀋翠
花間過酒醉竟馨齊盟壇玷言歸好名世文章屬
典刑九頊瓣香瞻舊衮新朝麟閣已圖形

王幼度明府爲今大宗伯雲杜李本寧先生
猶婚余以本寧先生獲交幼度蓋三十餘年
筆研友也先數歲寶安同社諸君子欲爲余
作特室於旗峯之陽且受廛矣甲子冬幼度

以龍門令攝篆寶安喜而賦之得十六韻以
先歌來暮者言非未同幸毋曰此饑鳥此陽
鱗也

旗峰紫氣照羅浮借得神君卓魯儔綵筆雄名吞
七澤青箱大業擅千秋烹鮮十室煩言偃攝大三
年乞仲由循吏能文真雅化才人爲政自風流不
須長袖工新舞更向原田舍奮謀琴榻柳藏賓閣
寂印牀花覆訟庭幽看山應識金銀氣破壁能令
鬼蜮愁撫字喜聞先部屋巡行莫惜訪滄洲醫瘡

已之心頭肉照水須哀勝下瘠兩境四民歌五袴
一賢二邑解全牛珠常還浦龍編戶海不揚波蜃
結樓綺歲孔融曾御李白頭王粲欲依劉擇枝遶
月同飛鵲避地浮家狎野鷗閔貢豈爲安邑累臨
邛休厭馬卿遊江頭看竹還須主不學君家老子
猷

曹能始觀察以詩見懷賦此寄謝

鼓吹休明羨寶臣凌雲綵筆正嶙峋代興大業謀
千古未墜斯文在七閩社結石君常拜石亭名春

西園存稿 卷之十一
草獨憐春懸書不賣黃金賦命駕惟期白髮人詩公

稽康如命駕蘭思蕙心堪自媚蛙聲蚓響幾畚新

千里就山公願崇令德加餐飯莫向明時嘆積薪

西園存稿卷之十一目錄

五言絕句

廣陵邵伯埭懷古

螢苑懷古

秋夜江行客有歌唐人野曠天低樹江空月
近人之句因用為韻

元陟先生老親家惠魚對使走筆附謝

題陸叔平山水文徵仲以詩識之用文韻

區季方司徒以咏梅八絕索和次來韻賦答

六言絕句

長壽庵寫經示衆十五舉

題韓伯聲涉趣園十景

五月七日寶安諸君子招汎龍潭復汎皇村同觀競渡
十章

辛未夏四月宛陵劉子真館余江上小堂以六言
五絕次韻答之

西園存稿卷之十一

羅浮張 萱孟奇甫著

元孫紹演來孫國楹補闕

五言絕句

廣陵邵伯埭懷古

悲夫文靖之為廣陵也捻鼻四十餘年惟
淝水一捷而已築壘步丘造汎海之裝其
暢然居東乎弁州先生曰文靖易文獻難
悲夫晉之有今日也以諸王也道子不生
於太寧故獻不為靖也逆臣賊子近出而

族猶跣而執手以安東節假之王國寶入
而聞桓子野歌陳思王詩則泣下霑襟矣
堤上行人歌堤水自秋色如何甘棠思不保五畝
宅

其二

寂寞東山月迢遞新城道舉頭望西州傷心劇秋
草

螢苑懷古

隋煬帝晚年好宵征命民間捕螢數萬斛
放之苑中昭曜羅綺皎如白晝苑去城十
里

秋風滿荒原秋月亦皓皓不見放螢人惟見化螢
草

秋夜江行客有歌唐人野曠天低樹江空月
近人之句因用爲韻

遠水生微涼丹楓吹四野秋色滿晴川攬之不盈
把

江寒夜氣肅帆開江月上冷然白玉琴中情寄幽

曠

斷鴻嘶極浦遠笛破寒煙獨夜三江客歸帆八月天

啼

夜寒秋偏爽潮平月漸低慣傷禽禽宿怕聽水禽處
涓涓江上月歷歷江上樹脉脉江上人欲語不知

雙

月色寒浸水蘆花雪照江王孫遊未倦鴻影故雙
空
踈林寒有葉野水淨無風潮聲孤枕到秋色一江

月

遊子驚西風霜意薄林樾所嗟故山蛩不負故山
隱
浦口燈明滅帆前山遠近唯聞欵乃聲去覓秦時

神

江光媚涼夜秋色送歸人綵筆邀明月相思問洛
神
元陟先生老親家惠魚對使走筆附謝

西園存稿 卷之十一 三
聞君羅有雀先生見和元日試筆知我食無魚且
有任教羅有雀之語
看頭上點不用腹中書

題陸叔平山水文徵仲以詩識之用文韻

天遠峰嵐淨秋高樹色濃扶藜隨鶴散步任西

東

蒼翠滿石壁閒來秋興濃山居有詩料多在夕陽

東

區季方司徒以咏梅入絕索和次來韻賦答

墻角有新枝羣芳未競時倩誰三弄笛爲譜龍頭

詩

月落影尚橫空林曉夢清何來啼翡翠夢覺不勝

情

蕊破寒微却東皇自斟酌請向月中開莫向月中

落

編衣携素月香玉供采掇可是姑射人來散羅浮

雪

暗香非鼻觀疎影豈近玩醉艤立如癡一詞不能

贊

索咲簷常繞永夜林初曉冷艷排冬溫餘香殊未
了
知君林下風多在雪霜中咲他何水部却向廣陵
叢

桃李是興臺清芬獨有梅孤山千古意今日爲君

六言絕句

長壽庵寫經示衆十五舉

文殊一舉白槌世尊便下法座盞子脫手落地楪
子八片先破

誰造報恩大院共讚風流駙馬走入斗斛行中不
識廬陵米價

出水與未出水蓮葉卽是荷花正去偏來都着這
邊卍畔元差

撞來人是屬虎本命我是屬猴爲它轟開十字騎

牛轉不識牛

草鞋戴在頭上可憐斬却貓兒謗說青霄有路木
人長皺雙眉

勘破臺山婆子打牛不用磨磚美學隔牆過杖但
須順水推船

五通老便成精龜毛何必三尺一鎚打破虛空針

線無縫

讀作奉

難識

止須撥艸瞻風枉費撩蜂剔蠟白晝失却金針夜
來枕上一劄

土地覆却飯籃纔識和尚一面若許七日來尋鬼
窟捉鬼難騙

手中雀兒死活一擡一捺太急眼裏塵沙撥盡黃
金屑又添入

買綿却又買絮總是王婆推磨一口汲盡西江知
冷知煖由我

開舖只圖買賣任你牙行利嘴交易不比尋常死
貓兒頭竈貴

頭正自然尾正眼明不怕面生從宅赤諱白誅秋

夜月到三更

夜寒青女機罷燭曉玉人夢來石霜父子轉側萬
戶俱閉俱開

莫問短五長三休管八橫七縱裂開卽是捏聚爛
泥隱刺真痛

不解得與他一棒卽解得亦與它一棒潔空和
尚放聲大哭早知水可成酒鐵可成金不如將
黃梅鞋底擦却免費此番閒棒习影和尚拍掌
大咲蚤知木不洗水金不換金又不如將紅羅
扇子遮却免費此番鞋底

題韓伯聲涉趣園十景

遐矚樓

棋罷唸殘拄頰天開日朗凭欄贏得一雙白眼飽
看萬里青山

餘閒室

四壁幽棲似斗六時瞑坐如僧不管酒徒作鬧從
它詩債相仍

真意館

禮佛非因乞法繙經何用持齋緊看三年水牯止
消一隻草鞵

夕佳亭

快心幸饒晚景多情惟有斜陽疎簾放入西照老
樹倒影東牆

引酌臺

年來粗了麴蘖興到却厭吹號竹下閉門抱甕花
前對婦持螯

欣期石

紫桑昔有淵明羅浮今有伯聲千古共抱一石酌
人同種三生

靜寄軒

林窸鳥聲頰喚簾閒花影密移懶處惟堪習靜靜
裏自覺忘機

涓流泉

瑟瑟如迸珠玉冽冽不浸苞稂入口疑嘗石髓沁
脾嘗帶花香

五月七日寶安諸君子招汎龍潭八日復汎

篁村同觀競渡客有歌落日放船好輕風生
浪遲之句者因以爲韻人賦十章鄧玄度六
言首奏余亦步其韻以六言賡焉

翻車日脚初垂打岼潮頭已落忽驚沸海雲飛共
報寒潭龍躍

作賦何必投湘問水誰同擊楫我欲赤手搏鱗祇
恐白虹貫日

村村鼙鼓爭鳴處處鳧車齊放正宜河朔深杯不
負剡溪遠訪

竹影幾簾紅粉荷香十里畫船欲尋歌處咲處處
在花邊柳邊

截流劈浪爭雄拍掌齊聲道好彼岸終是同登此
日何須先到

莫問空江龍戰請看近渚鷗輕習競自分遲速忘
機一任輸贏

元微之競渡詩祭船
如祭祖習競如習讐

鐘鼓報清遠近樓臺夾水西東叩船誰歌小海解
和須奏迴風

祢衡夏
統事

帆底驚看風飽船頭又覺潮生繡柱鱗鱗隱見蘭

西園存稿 卷之十一
五
橈軋軋縱橫

浦船羅綺繽紛一水笙歌來往直須載酒看花不用乘風破浪

辛未夏四月宛陵劉子真館余江上小堂以六言五絕見投次來韻答之

薰碧一灣花下來青數點欄前問字君爲佳客逃名我是頑仙

腹裡丸泥六一牀頭斗酒十千不問青鸞佳信難

緜白鳥殘編

子真有馴鸞能解人意

半步瘦藤亦懶兩肩短髮其頽客到閒雲常合巽
園好鳥頻來

江空林不受暑亭小榻亦生涼爲語部蛙休聒請
看溝瘠常儂

地僻墻皆蝸篆林深葉半蟲書兀坐肘曾生柳臨
流我亦是魚

西園存稿卷之十二目錄

七言絕句一

玉鈎斜

贈書記葉伯俊歸閩

度嶺感舊留題

為韓寅仲寫鷓鴣社圖并題

五羊秋夕懷韓四伯舉

寫梅花贈蕭山令沈孟威

七里灘

武彞山中即事

慢亭峰

三姑峰

渡分水關

渡西峽江

大田驛古梅

小寒食深青驛留題

贈別謝大行友可社丈擢南比部
賀丁哲初吏部得雄

寄題楊曙宇寅夫竹梅館

戲題鄧給諫玄度梅花帳

九牛驛次區太史用孺僻韻留題

午夜聞雷次僻間韻

曉裝戴月次僻間韻

過峽山寺訪謫上人相遇

東林石澗橋見獨樹梅花有感

小池驛喜晴

北垞閔公館閱外計邸報有感

南總舖喜晴
癸未計偕過王莊驛

固鎮驛燈下感舊
宿州公署

自濰陽至桃山道中四詠

東阿公署
鄭州魚君陂

高唐公署曉夢
曉行

古平原集
望厭次訊家曼倩

廣川憶舊
自葛陽馳廣濟驛輶中即事

西園存和 卷之十一 目錄
白廣濟至激水舟中即事

重過桐江釣臺留題 方處士玄英祠留題

謝義士皇羽祠留題 贈月兒詩

題鷄鷲圖 題自寫梅花贈曾元陟

曾元陟鏗然亭識集 愛民詩教卷

友人招賞桂花 題周西園雅集卷

試筆呈諸君子適園丁以蘭桂二花來獻復分貽之

種竹 移花

肅客口號 農圃漁樵十詠

贈王知白山人 題自寫古松障子

題自寫木石障子 江上小堂戲題

題寫生荔枝贈韓緒仲太史納寵

七夕詞 題五雲雙鳥圖

贈李晉東廣文北上 題戴文進鶯轉魚遊圖

題無名氏金碧山水 題唐伯虎寒山清曉圖

題上方春景圖 題夜雨書泉圖

題秋瀑圖 題周東却山水

題松窓讀易圖 題倪雲林釣石喬柯圖

題王孟端墨竹

題折枝梅花圖

題牡丹雙雉圖

題秋山策蹇圖

題董玄宰見贈九岳長青圖

題錢叔寶歸漁圖

題唐子畏山水

題居士貞傲雲林小景

又題居士貞小景

題楊不棄傲雲林山水

題泉石餘清圖

題沈啟南雄鷄圖

題沈啟南問寢圖

過鴻華庵偶成

題宋石門山水

五石瓠告成用玄真子韻志喜

西園存稿卷之十二

羅浮張 萱孟奇甫著

元孫紹演來孫國楹補闕

七言絕句一

玉鈎斜懷古

隋煬帝葬宮人處

娥眉遺塚艸穆穆盡日啼鶻亦太憨惟底東京歸
未得君王曾唱望江南

愁鴉飛徧枯楊樹月下香魂自來去長信于今秋
草深魂歸莫錯雷塘路

舊日池臺今已非
淒淒芳草怨斜暉
到來兩頰河山淚
贏得前身未濺衣

贈書記葉伯俊歸闕

相逢曾解呂虔刀
不用臨岐戀綈袍
贈爾羅浮雲一片
暢亭歸去伴吹璈

秋風秋月送將歸
灑酒臨江淚一揮
爲語明年春社後
重來莫忘舊烏衣

度嶺感舊留題

重來猶憶五年期
往事浮雲片片移
倦客不堪聞

北鴈梅花偏發向
南枝

爲韓寅仲寫鷗社圖并題

桃花開遍柳花飛
斜日磯頭理箬衣
野老從今莫爭席
煙波新狎白鷗歸

五羊秋夕懷韓四伯舉

不向臨邛曳短裙
衡門秋靜正端居
挑燈莫讀黔婁傳
漢室于今問子虛

客舍秋高鴈影斜
蕭條雙眼自天涯
思君半枕潮頭雨
落盡郵亭一夜花

西風回首嶺雲東多病憐君事事同永夜若題招
隱句可能吹到桂花藜

落日頰登海上臺縱橫黃葉不勝哀遙憐拊缶亭
邊月曾否懷人酒一杯

寫梅花贈蕭山令沈孟威時孟威以內召至
盤根錯節玉交加五月長安亦放花惟有夫君堪
把贈春風從此滿天涯

七里灘

高壘芙蓉翠鬱盤牽江百丈泝嶼崕迴風忽送孤
舟笛知在嚴家第幾灘

武彝山中卽事

塵緣太重道緣輕住世原非出世情却笑羽流空
拔宅名山無計避新征

幔亭峰

跨鶴吹笙弄紫煙幔亭高宴祖龍年祇聞海上勞
徐福不省人間有魏騫

三姑峰

聞說諸天護必芻大王峰畔從三姑遊人不敢輕

西園存稿 卷之十一
捐佩匪石能同玉女無

渡分水關

半連楚越半甌閩地煖春明花漸新路入白雲餘
幾許到家猶得及清明

渡西峽江

乘風破浪截流過津吏搖頭公渡河莫道風波今
日惡世途何日不風波

大田驛占梅

攬夢催花一夜風尚餘春色幾多叢枝頭已見梅

知豆天外猶憐客似蓬

小寒食深青驛留題

古院春深長綠莎墻頭開遍荔枝花明朝又是逢
寒食倦客如何未到家

贈別謝大行友可社丈擢南北部

十載輻軒萬里行程聞君久已厭承明兩都可是無
人賦暫借新詞寫舊京

鐘山晴傷白雲司玄武湖邊吏散時柳色送涼荷
撲鼻官閒身健好裁詩

一官何必較炎涼大業千秋獨擅場
盧岳欲傾彭蠡涸歸然君自魯靈光

此去休言是薄遊

友可有薄遊篇行世

六朝佳麗且彞猶垂

報日過昭明宅拉伴頻登孫楚樓

三山晴色落棊枰恠底南風日日勅別野若聞淝

水捷好將一着賭宜城

友可嗜奕

秣陵關口草淒淒古巷烏衣路不迷君去定知携

小陸數椽秋色屋東西

時日可次公寓廣陵

且將白眼撐高旻莫向風塵嘆積薪薄宦亦須諳

宦態右文原自如文人

江空日落鳳臺寒片片浮雲好獨看
爲語當年李供奉登臺不必望長安

賀丁哲初吏部得雉

王香入夢掌珠呈高燭薇垣徹夜明
冰鑑獨懸君自信當筵不必試啼聲

紅雲一孕照東曹錦綬庭麟沸鳳璫
抱得寧馨森

片玉阿爺原是玉山高

裴楷在吏部世稱玉山獨照

筵邈赤鳳下青霄桂馥蘭芳紫氣饒
月下將鷓新

奏曲不須長教廣陵簫

君欲上縹廣陵故戲及之

寄題楊曙宇寅丈竹梅館

君家三徑未全荒萬箇琅玕萬斛香
林密似遮張廌屋花飛不點壽陽妝

拂雲梢畔雪初殘疎影清陰滿
畫欄萬卷縱橫簾不捲正奴長伴此君閒

苞金綻玉影交加庾嶺湘江寄興賒
為報主人歸未得好留雙影護窓紗

芳園遍植歲寒叢結伴何須十八公
見說森森曾入夢階前原有兩株松

兩即君名孝廉也

戲題登給諫玄度梅花帳

拋書攤飯鬢髮鬢酒殢花慵
射正憨長得玉奴供客枕不須迢
迢夢江南

數幅冰綃玉一枝薰籠斜倚月明時
縱教萬斛天香滿不及吹燈來夢兒

綸衣舞罷夢初殘湯向春風憶故山
曉起拍肩休索笑花神昨夜妬阿環

九牛驛次區太史用孺辭韻留題

西園存稿 卷之十二 六
江風滿樹麥凋鳴浪跡歸心憶舊耕爲問郵籤須
幾日馬頭遙指白雲生

午寐聞雷次僻間韻

孤城客館瘴煙迷一枕頻驚報午鷄更喜輕雷隨
片雨爲驅炎暑過前溪

曉裝戴月次僻間韻

幾點殘星帶荒陌特特馬蹄山月白可憐夢裡數
還家猶是關前未歸客

過峽山寺訪鑑上人相遇

爲逃炎暑閒尋寺暫駐歸舟且傍山好鳥有情迎
舊客流雲無數掩禪關

隔林急雨添新漲夾岼涼風吹短衣爲問雲中孤
錫去于今洞裏幾猿歸

東林石澗橋見獨樹梅花有感

鱗鱗玉綻虎溪東獨樹香浮野棘叢姑射仙人今
佞佛欲隨蓮社領春風

雙旌日日破蒼烟無數梅花對客妍更愛一枝臨
綠水寒山影裏玉娟娟

疎籬寒傷石橋隈不種蓮花却種梅久別羅浮山
下月清香何事撲人來

幾點寒葩萬斛香晴雲片片護幽芳野人不識春
風面獨照溪流寫淡粧

小池驛喜晴

莽色初開趁碧蹄雕鞍未解却頻嘶青驄亦識遊
人意驟向春流洗障泥

北垓關公館閣外計邸報有感

北去漢京類極目南來粵客獨長吁已驚鸞鳳投

羅網又報豺狼到海隅

徂父賦徂何足較馬翁失馬不須悲一言未悟田
丞相三黜休嗟魯士師

南總舖喜晴

馬頭曉日喜曛曛積雪全消大小紅兩山誰掃陰
霾送晴煖東皇昨夜倩西風

喧晴寒鵲滿枯株花信初來草欲蘇野老出林同
曝背爲言南北此分衢

矣未計偕過王莊驛假館張北溪鑪頭屈指

二十四年矣今 差竣還 朝午憇驛館北
溪之子崇葵者袖余舊墨來謁且獻盤餐遂
以詩二章答之

輟輓冰敲虎僕姑墨花飛墮雪模糊相逢不用藏
名姓曾醉君家舊酒罏

問我何來顙似戟憐君今亦戟爲顙盤餐獻罷猶
微笑欲乞新詩當酒帘

固鎮驛燈下感舊

咎季曾此駐遊蹤春口春燈燭正驄爲憶同車携
手處相勞斗酒斷橋東

宿州公署見新月用壁間楊文貞公韻

銀鈎初掛凍雲收寒影穿簾到散裘倚遍碧欄渾
不寐隔墻人唱古涼州

古道春風隨馬策空亭寒色照干旌尊前最喜織
纖鬼萬里無雲鴈影輕

自濰陽至桃山道中四詠用霖寰李公大司
馬韻

誰從銀海瀉寒濤萬木颼颼積雪高雲護戟門森

落日渭陽情重 聖明朝

右徐王墓

蒼烟如織日初西
寂寞荒祠野草萋
可是蘆衣長履雪
數椽閒倚冷雲棲

右閔子祠

馬前春色正無涯
柳覆長堤繞水沙
何事尋芳遊女伴
踏歌猶按後庭花

右隋堤

蕭蕭殘戍陣雲平
對壘惟須碁一聲
老鶴樹頭作人語
似言此是北秦城

右符離集

東阿公署有呈邱報者

浩蕩 君恩較海寬
長容虎翼與猴冠
因悲就鼎

當年吏猶是今 朝第一官

鄭州北十里爲白楊店
迺一大澤也水草所鍾
曰澱余按圖經此澱乃唐
令魚君所鑿故名魚君陂
統志失考土人傳誤詩以表之

迺照馘林依積澱
危橋臥柳度荒墟
居人但識魚爲茶
不省當年君是魚

高唐公署曉夢

別久歸遲道路長
夢中空對淚痕粧
可憐雲雨迷南北
錯認高唐覓楚襄

西園存稿 卷之十一
曉行

枕畔隣鷄促馬蹄孤城片月半沈西一聲畫角穿
林去無數春鶻不敢啼

疎林馬過鞭留影夙夜寒深月半明合眼垂韁續
殘夢不知多露濕浥繁纓

古平原集

趙家俠骨久成灰白日黃雲黯不開何事蚩蚩紛
抱布明朝有吏石壕來

望厭次訊家曼倩

前世久知君是我後身皆說我爲君却憐同姓亦

同病長乞侏儒粟共分

曼倩姓張氏東方朔而
生故稱東方朔馬班兩史

傳其人不知其姓可乎曼倩父母世系雜見他書
者皆詳余耀疑第二卷中茲不具述

集靈臺上訂幽期避世金門各一時惟有偷桃余
較勝東來短漢不能知

廣川憶舊

當年裘馬憶翩翩雪洗鵬翎血染鮮倚醉鳴笳寒
月下玉鞍雙挂兔如拳

自葛陽馳廣濟驛輶中卽事

西園存稿 卷之十二
山城霧散促晨裝曉日新晴野草芳
宜喜寒幃卷不盡麥苗青處菜花黃

去年共說是豐年水碓磯頭纜米船
一斗幾文雲子白腰間能否納官錢

春溪繞屋碧如油短竹疎籬白日幽
少女竹間呼母甌老農溪畔飲童牛

沙溪荒舖近爐峰七載重來覓舊踪
可是館人亦相憶留題不遣壁塵封

門前新柳似人長颯颯青帘驛路傷
竹屋鑪頭招木客潑醅春酒正堪嘗

臨溪白板兩三家暖日松篁覆淺沙
汲婦入林伴避客桃花斜插髻如鴉

柴門傍水是通津夜理漁篋晝賣薪
晚市醉歸逢鼓吹笑携稚子看官人

新成茅屋憇輪蹄種得山桑葉未齊
搔背負暄焚圃側白頭老子牧黃鷄

生計年來喜漸多旋栽烏柏旋婆娑
擔頭新蠟渾如雪賣與朱門照綺羅

西園存稿 卷之十二
落日危橋客過稀
梳翎水鳥立漁磯
何來笳鼓誼
騰其鷺起雙雙背客飛

自廣濟至潑水舟中卽事

廣濟驛前春水生
鳴笳擊鼓聲
嗶嗶南風日
勅布帆飽水急
灘多莫浪行

驅車長苦雨
淋鈴獨漉歌
殘不忍聽却
喜開帆風日好
一川晴色柳青青

斜陽渡口石塘街
估客安流放木渾
買得春醪醉
明月斧聲不斷夜
籬柴

衢州城子枕江干
粉堞參差與水寒
綠鬢彫形膽乘

五馬逢人盡說是清官

太守張七澤也

高低影水竹
逸樓樓外垂楊繫
客舟兩岸長青千
樹橋家家應作富民侯

西安東去是龍遊
春漲江平却肯流
春月一船渾似畫
竹枝高唱櫓聲柔

帆前春水瀉琉璃
桂若香浮日暖時
爲語魚兒莫吹浪
前灘今已放鷓鴣

橫山山下水湯湯
駐楫乘春問國香
春服將成須

雜佩年來幽谷幾枝芳

捩柁從流風正便船頭叉手坐長年推窓盡放青山入無數芙蓉鏡裏懸

峭帆斜日挂危檣疊鼓呼風亦太忙却聽舟人話潮信欲乘新月汎錢唐

重過桐江釣臺留題

片帆又過富春山新水平添舊日灘再上雙臺舒一嘯不妨啼鳥報春殘

莫將急鼓疊颶風且向中流看織苧石上相逢休

問姓當年我亦一漁翁

緇川亦是釣璜餘錯把安車擬副車干象猶堪頻入夢君房空奏一函書

欲屈狂奴作漢臣交情總是白頭新垂竿莫說前賢誤文叔于今非故人

謝靈運有詩前賢竟何益此地誤垂竿

方處士玄英祠留題

芙蓉七里鬱蒼蒼百尺雙臺一瓣香惟底先生詩句好數椽原仿漢嚴光

桐江東去是通津共把奚囊貯陌塵却嘆長安車

浦載總輸千古屬閒人

謝義士阜羽祠留題

高臺白日哭忠魂一劍長懷未報恩請把巖灘添
舊淚好隨明月到崖門

青山獨灑秦庭淚綠水應憐博浪狙為問桐江春

到日鵲聲亦是五坡無文信公於余鄉五坡嶺為
元師所獲義士始遁歸桐

江

贈月兒

五柳園中花正飛東方猶自惜芳菲咲將一束

頭錦却為宅人作嫁衣

歌館初逢即日成陡將心事許卿卿自憐老去無

金屋咲殺伶玄浪得名

榕溪渡口木蘭船欲去還留更可憐惜別正須即

一顧試將誤曲唱尊前

刺史空聞說斷腸胸前雪妬髻邊霜心情忍作秋

雲薄一任飛花自主張

新腔休譜白頭嗔一曲離筵恨轉深為報使君原

有婦相逢不是惜黃金

紅線如何別薛卽座中誰是冷朝陽
覓銷百尺樓頭句博得閒情鬧一場

五兩風輕日欲西
傷蓬攏髻背人啼
共憐此別如飛絮
一着狂風便着泥

使君原亦有情癡
何事臨岐詠柳枝
總爲五湖秋色好
扁舟久已載西施

一片柔情百首詩
關情多在惱人時
贈離惟有羅虬筆
不比紅兒比月兒

悔將歌舞逐狂夫
來路曾同去路無
若上山頭頻眺望
春來休更采薜蘿

題鷄鵲圖

肅肅鮮姿映碧梧
玄黃美色繡羅襦
好將勅令頻頻去
莫遣溪邊有短狐

爲語孤飛不用高
且隨儔侶戲江臯
情知鷹隼多猜忌
何必翩翩錦羽毛

題自寫梅花贈曾元陟

樓頭短筵日初動
咽斷江城片片雲
幾度幽懷憐獨夜
半輪林雪半輪君

西園存稿 卷之十二
曾元陟鏗然亭讌集同陳用休韓伯舉舍弟
仲蔚分韻賦

迢遙誰着旱龍鞭曲檻疎櫺落日前醉看愧非王
子侶團團空自賦鏗然

醉羨琴心此更宜挑鸞抵鳳轉情癡清陰不讓章
臺下懶向他家說畫眉

春殘金井轆轤寒幾樹芭蕉倚醉看日永亭間香
一縷臨池初罷譜幽蘭

龍眼抽條竹長芽德星初聚舞雩家斗山任是饒
清筆猶向張顛問墨花

愛民詩教卷爲張松陵父母作

萬里南天憶遠音倚雲長誦別時吟欲知赤子重
前意盡是斑衣膝下心

友人招賞桂花

西風吹折剪鵝黃四出奇葩萬斛香更借西風頗
着力莫教秋色過東墻

香從雲外月中裁檢點幽芳細細開始信玉人貪
俊佛却從金粟覓如來

開尊倚樹共淹留
笑撚花枝醉未休
聞說王孫招未得
至今空負小山秋

題周西園雅集卷

記得西園畫本真
公麟妙筆已傳神
于今我亦西園主
却欠公麟十六人

儒雅風流滿畫圖
琴書觴詠共相呼
不知此日東坡老
曾覓黃蓮點眼無

試筆詩成呈諸君子
園丁以正蘭畝桂二花
來獻復以二十八字分貽之

欲將花事統芳辰
採得雙花伴五辛
擎向華堂當綵勝
蘭孫桂子日振振

種竹

碧玉周遭已萬竿
補籬編槿護檀欒
直須移却門前影
留得前山人坐看

疎中移密密移疎
欲取清光一抹過
好語早龍鞭蚤着
春雷已奮莫蹉跎

東墻移竹種西墻
珍重琅玕掛夕陽
種罷喜逢花底雨
春風應自長新篁

西園存稿 卷之十一
攀得春苞宛似鮎舊泥新水酌稀稠倘饒千畝年
年綠何必人呼萬戶侯

移花

雨意霏微日欲斜輕雷喚醒一池蛙園公睡起無
它事荷鋤呼童急種花

分畦布畹喜成行密密疎疎次第香此日主人聞
晉秩新銜花國太平章

園公酌酒勸花神花事匆忙亦苦辛爲語春風休
管促花開何必一時新

草本休隨木太移欄邊急種向陽枝移根莫剪前
春葉衛足留陰正此時

肅客口號

小園不杜客園丁不能肅客遂往往忤客
故客亦往往罪主人主人不知也偶得口
號四章以貽客庶罪主人者少寬假焉

閒居學圃枕城隈竹屋茆壘日日開不用閉門防
客到愛閒能得幾人來

勝事幽懷日日新往來無伴任無隣園丁莫問客

何姓到此遊人非俗人

懶來浪得絕交名自笑交窮懶便成若是子猷來
看竹何須園主禮相迎

花竹新栽費護符來遊莫折向陽枝亦知轉眼皆
荒廢且讓閒人樂一時

農圃漁樵十詠

羅大經嘗摘唐人佳句十絕書壁間以描
寫農圃家風漁樵樂事每菜羹豆飯後啜
茗茗一甌偃臥松窓竹榻間命兒童唸誦

數過勝如吹竹彈絲似爲園公拈出第以
古人嘯歌對今人情境不恨今人不見古
人更恨古人不見今人耳初秋晝永散帙
微唸率爾卽事遂得十絕亦皆以唐人韻
韻之卽未必如吹竹彈絲第以答林籟而
酬溪聲亦足供農圃漁樵一鼓掌也

空林秋色滿柴關何事園公獨破顏爲趁晚涼脩

竹下一溪新月半啣山

韓偓韻

柳岫涼生七月天銀梭玉尺弄溪煙沙邊網得林

邊煮笑喚漁船作酒船

前人韻

園已趣成還日涉西風又到梧桐葉野老休言花

事稀欄前還有雙雙蝶

長孫佐輔韻

誅茅剪棘卽吾廬買得隣畦帶月鋤不爲庾郎飽

鮭菜年來欲試橐駝書

薛能韻

掃地焚香讀楚招却驚風拂樹頭瓢無端一笛滄

浪裏又答行歌隔水樵

韋莊韻

門堆桑葉網蛛絲暫出呼童掃一時數步卽還仍

却掃孤蹤猶恐隔隣知

杜荀鶴韻

籬堤時築亦時崩野水曾侵竹幾層一任漁郎竹

根宿夜歸猶得借漁燈

陸龜蒙韻

鎮日湖邊一老翁開襟常飽芡荷風閒持藜杖頻

敲竹爲逐鷓鴣落照中

鄭谷韻

田舍兒孫禮教稀捕蟬探殼開柴扉園丁忽報來

禽熟走向園公笑挽衣

李商隱韻

新畦傷水芋苗肥玉糝纔羹客却屏且喜盤餐有

兼味樵青溪畔打漁歸

張演韻

贈王知白山人

杖藜何事踏蒼烟爲趁春風到水邊若遇芳菲浪
放步莫教虛度艷陽天
有意啼春花底鳥無心出樹嶺頭雲挂瓢植杖空
山裏獨對心香不用焚

題自寫古松障子

不爲梁棟不爲薪雪態霜姿老更真可是世情嫌
礪斫年來長謝斧斤人
皮乾頂秃復根齷鬱鬱猶能護蘇文更喜虬柯獨
支撐欲排閭闔競擎雲

題自寫木石障子

洞零何事件荒墟不向春風借一噓獨有根盤老
頑碧數拳猶是補天餘
野曠天高白鴈遲清霜先到最高枝自饒一種蕭
疎意任你芳菲那得知

江上小堂戲題

江上小堂無十畝堂前老樹有三株主人原住清
涼界又得濃陰屋半區
山色豈隨時眼改溪聲留與老年聽劫來更有娛

西園存稿 卷之十一
人處日日風雲不暫停

臨流影笑蒙頭雪倚樹涼生露頂風却惱兒童常
戲浴諠爭偏聒老漁翁

東流水合西流水後浪沙同前
少爲問空江垂
釣者一年幾度浪飛花

題寫生荔枝贈韓緒仲太史納寵

國色天香滿玉堂一枝誰薦茜羅囊知君惟採秋
前實擘得星苞仔細嘗

明珠數顆纈紅霞不入開元帝子家聞說阿嬌曾
破笑纍纍應作掌中誇

七夕詞

弦月初升玉漏微箱牛輟軛織停梭莫一
隔歲纔
相見猶勝人間去不歸

促夜頻驚轉斗杓雙星脉脉絳河遙相逢最恨離
陵鵲一歲填河止一宵

曝衣樓上拜深深乞得蛛絲笑不禁曲綫却同群

小熊空憐一夜關穿針

杜少陵詩蛛絲小
人態曲綫瓜果中

茶漿瓜果滿中庭喜見紅光擁玉駟稚子不知同

乞巧笑呼阿母數流螢

迢迢銀漢渡雲鬟秋冷龍梭喜暫閒舊好孔嘉惟

此夕誰能送巧到人間

天孫總為巧調梭好合其如隔歲何若問雨雲朝

暮事東隣拙婦較偏多

深更朗月渡奔龍靈匹幽期歲歲同久別乍逢休

錯過多情珍重一宵中

瀕雲水接月如梭脉脉盈盈可若何誰道銀河深

不極妾愁深較倍銀河

福壽圖九詠代九邑令公壽鮑瞻魯同府

春滿羅浮四百峯霞光長護玉芙蓉壽星福曜中

天麗僊籙重標兩鮑公

晉鮑公靚為南海太守得道羅浮

鳳曆初開淑氣新昌期五百岳生申十城共效華

封祝福壽如天萬井春

百福全壽正無涯散作鷺城萬樹花放鵠階前何

所獻一杯豐水九光霞

紫氣嶙峋鱷渚邊况逢梅柳正爭妍延禧駢祉春

長在壽似岡陵福似川

壽從海屋更添籌百福駢繁錫禹疇曾是玉皇香
案吏分城聊作汎蓮遊

一 曲天南春暖鶴飛高

黃山練水毓精靈勲業當朝滿鼎銘完美象賢名
相國天申福壽自千齡

春王八日集群仙南極星明徬紫璇百福已全仍
百壽一尊齊祝鶴峯前

中和樂職樂難支雲錦同裁百壽詩八洞僊真感
壽字玉書今已下瑤池

題灑僊子五雲雙鳥圖

有客空山坐翠微長安回首思依依年來遠道多
增繳爲語雙鳥莫浪飛

浮雲何事莽爭徂白日于今不可呼共說寒鴉能
帶色應憐天外有雙鳥

遲日春雲覆玉墀飛鳴爭滿上芬枝朝天縱有雙
雙影萬里君門總不知

李太白東廣文北上春官以詩見別用來韻却

贈

片帆秋色尉宅鄉破浪驚看萬里航到日長安花
似錦春風應逐馬蹄忙
携得青氈換玉鞭日烘香陌杏花然看花正喜春
光醉莫忘侯芭載酒年

題戴文進鸞囀魚遊圖

蒲芽初茁柳絲長蕩漾春波照海棠
惟底魚兒皆出聽枝頭日暖奏鸞簧

荒林野水縱春寒出谷潛淵處處安
莫道上林春色好須防香餌與金丸

題無名氏金碧山水

萬仞巒岈浸碧湍
搗曾賭墅對江干
擷頭船子茅亭客到底機心總一般

山靜晝長棋一枰
忽聞隔岬賣魚聲
祇須沽酒從漁父莫問枰中絀與羸

題唐伯虎寒山清曉圖卽用其韻

涼色溪邊推萬木
晴嵐樹杪接層霄
開簾自覺烟霞滿不用扶藜過石橋

西園存稿 卷之十二
三
青山自是棲黃髮白日虛傳步赤霄老我數椽秋色裏便同高宴會虹橋

題錢叔寶上方春景圖

上方名利石湖東寶馬蘭橈處處逢曲磴千盤雲不鎖春光應在竄高峰

當年吏隱日徜徉慣逐春風到上方
呀柳溪桃應記憶可能夢裡覓劉郎

題唐伯虎夜雨重泉圖

倚處春雷起蟄龍群山萬壑玉淙淙飛泉一夜添

千斛總爲煙鬟洗秀容

山南山北雨翻盤
聒耳泉聲白晝寒欲向空林較晴雨扶藜須對晚霞看

題錢叔寶秋瀑圖

天紳百尺挂瑤岑有客閒携綠綺琴
暫向橋邊同諦聽不須重按越溪吟

絕棧懸崖水激車白雲深處有人家
登樓竄喜微霜度染得楓林一樹花

題周東邨山水

西園存稿 卷之十二
獨鶴不舞琴不彈階前童子借書還亭幽晝永添
香篆塵尾閒携步曲欄

碧梧影落碧溪潄峭壁當亭翠欲淋閒却絲桐有
何事高山流水本希音

題宋初陽松窓讀易圖

茅簷竹壁護松樞獨手韋編老自娛悟到先天無
一畫爲銷長日故伊吾
層巒複嶂倚天開箇箇長松手自栽掩卷呼童忙
掃徑問奇佳客過橋來

題倪雲林筠石喬柯圖倪有詩其上卽用其

韻

老碧疎松共歲寒幽懷惟向此君寬蕭蕭數筆倪
元鎮勾出林巒秀可餐

山空木落白雲寒咫尺溪山萬里寬爲憶雲林清
閣閣煙霞滿紙正堪餐

題王孟端墨竹用韻

風流儒雅帝王珍墨妙千秋好共論可惜一枝纔
半副鳳毛麟角總堪存

孟端侍詔秘殿恩賚殊渥

西園存稿 卷之十二
題文休承折枝梅花圖

東皇着意散瓊瑤管領陽和爾獨饒誰折一枝傳
老筆却勾春色滿冰綃

檀心玉質雪精神桃李爭妍總後塵月下香魂留
半影已知絕代有佳人

題周之冕牡丹雙雉圖

綺石峻嶒玉露溥名花擎出五雲團爲尋牧犢援
葉處免得三卽帶笑看

疆疆須避艾如張見妬都因錦作襠莫逐驍媒爭
麥壟且浮伏雉傍花王

題張元春秋山策蹇圖

數椽高傍碧崔巍萬疊矗雲一徑開亂石溪邊人
策蹇不知何處看山回

臨流老樹影交加曲磴穿林日欲斜却喜健蹄歸
路熟洞門猶未鎖煙霞

題董玄宰見贈九岳長青圖

遙聞十岳鎮齊州結髮曾期汗漫遊却笑白頭猶
未到竄身惟在一羅浮

披圖何事首重搔爲憶名山入夢勞萬仞芙蓉青
九點年來紫氣爲誰高

婚嫁猶羈媿向禽室中惟鼓少文琴衆山已覺能
相應何必遊踪再討尋

當年遊興竄飛騫杖底烟靄已飽餐一壑一丘堪
自老于今九岳卽西園

題錢叔寶歸漁圖

湖光滉漾岼縈迴隔岼歸漁笑語來若得織梭休
挂壁恐令白日走風雷

漁家茅舍柳陰濃橋影雙上一鏡中人已收罾危
拽網想應忙趁鯉魚風

題唐伯虎山水

地僻秋涼客到稀僧雛何事帚頻揮庭空可是雲
常滿恐傍蒲團凍不飛

野寺危橋鎖碧湍岑樓僧定白雲寒三時禮拜三
時掃莫遣塵根惹講壇

題君士貞倣雲林小景用士貞及文休承
韵

西園存稿 卷之二 三
流雲絕壁逗微風萬頃烟光淡欲空不爲扁舟尋
范蠡生涯原在釣車中 用居韻

市塵烜赫高千丈烟水蒼茫自一區心地總輪孤
棹客清涼不用六壬符 用文韻

又題居士貞小景

秋色滿荆扉白髮青山生事微鎮日聽泉惟兀坐
忘機踪跡人間覺漸稀

黃葉任紛飛今昔休論是與非童子何來橋半渡
琴歸應奏哀蟬送落暉

題楊不棄做倪雲林山水

南宮米顛不復作此去倪顛能幾何我亦有時弄
顛筆不知顛處較誰多

我謂楊君能蒂瓚君言張史勝陰何老我一生猶
見少如君百輩不爲多

題謝樗仙泉石餘清圖

雲根礪砢水鏗鉤曾與烟霞共結盟一段秋光渾
沁骨滄浪何必濯塵纓

寒雲冉冉抱幽姿滿壑琮琤韻更奇礪齒前來還

洗耳出山須記在山時

題沈啟南雄鷄圖

野菊初開秋色鮮
窓間作語已堪憐
于今何事禁無語
總爲幽人好午眠

題沈啟南問寢圖

莢蒿露結葉初乾
白首萊衣歲若干
此日開圖空掩泣
終天無復夢寬安
淚滴黃墟血未乾
洗淪猶憶跪江干
誰憐文隱堂前月
滿樹棲烏不敢安

丁巳三月十一日乘漲過鴻華庵偶成六絕

題壁

夢入鴻華已數年
纔來半日卽迴船
蔡純歿後馬生老
恠底張奴不悅禪

半幅蒲帆一剎邨
爲乘新漲始經過
登樓囑付降魔杵
莫逐詩魔與酒魔

我頭不剃七心花
六十年來只在家
善眼仙人如問我
今年今日到鴻華

狂濤嚙斷綠榕堤
水沒橫橋草欲迷
我是辟蛇新

西園存稿 卷之十二 三十一
行者前林鳩鳥不須啼

柴桑久矣攢眉去康樂猶然合掌來堤斷岸崩沙
噴雪曇花休鬪浪花開

人人盡醉聲聞酒日日爭焚解脫香爲問鴻華老
庵主可曾相識轉輪王

題宋石門山水

宋旭字初陽吳興人姓名不出里門余往
來吳越間以繪事納交者最衆而最晚乃
得初陽松窓讀易圖則初陽甲午筆也時

年已七十矣初陽慧根不失爲戴錢塘而

習氣究竟亦堪作沈周兩廡一時吳兒以

畫名家者恐皆不能望其脚板壬子吳興

友人吳允兆以此幀見寄不知初陽尚在

人間否而此圖去讀易圖已十年而點染

才情不以衰暮少拙吳兒惟文待詔徵仲

晚年始能賈此餘勇故足藏耳允兆名夢

陽號北海老於太學生以文筆爲江南領

袖富於收藏名賞鑒家與余爲布衣交最

西園存稿 卷之十一 三
驪千古交情故自不淺而千里雙魚止此一
幀豈以西園公別來情況自當於坐石
看山孤琴雙杖間寄其寤寐耶偶爾展玩
欣然有得意固不在画也故以詩識其上
方

看山坐石閒揮塵結伴穿林復抱琴珍重故人千
里意却從天外覓知音

五石匏告成用玄真子韵志喜

萬頃烟波一葉飛春江新漲菰苗肥風蒲笠露盈
衣桃花深處問津歸
披簑却咲子陵裘鼓枻誰同范蠡舟休截浪莫從
流不須歡喜不須憂

綠水青山白髮翁山南山北水西東兩枝槩半帆
風人間何必泣途窮

圍公何事咲聲懽睡飽纔醒飯飽餐魚又上網初
乾再入寒潭不怕寒

澄江如練月華圓楓葉蘆花岼七連纔得酒便開
船遨遊今正挾飛仙

西園存稿卷之十三目錄

題沈周小幅山水

贈兩脩丈人

題仲圭墨竹

題王孟端枯木竹石圖

離支社題壁

香玉洞題壁

五月十四日即事

題馬文璧秋林晚眺圖

訪浴日主人不遇

寫墨竹壽內弟車栢臺

懷韓寅仲

鴻華庵望水

戲題胡虞卿索書卷

哭朱季美

題溪山積雪圖

過小桃源戲贈主人

已未人日有感 題枯木竹石圖

題馮馬圖 月影三章

寫枯木竹石答謝朱元价宗伯

寫山水送李伯開 癸亥榕溪燈夕謠

人日答韓叔捷同人 元宵迎邑侯雨中觀燈

答余士翹博士 同諸君子汎榕溪

答尹用平年兄

答歌姬口號 贈李文娥歌姬

又為劉玉真黃文燕黃玉英三歌姬即席賦

寫山水寄林滄生 自題倣王叔明山水

答馮無文 贈蕭還拙還泰和

寫西園秋色寄張紹和 次韻謝邑侯

春日園居 秋日園居

病目 壽表姪謝文石

西園存稿卷之十三

浮張

萱孟寺南者

元孫紹演來孫國樞補闕

七言絕句二

題沈啟南小幅山水

余藏沈啟南真蹟多矣皆長縑巨幅日來
 吳兒亦饒爲之此狹小牋重崑複嶂曲磴
 飛流令人應接不暇故知啟南胸中丘壑
 不乏而林木蕭疎殊有天高氣清之致每
 一展玩晴翠襲人襟裾真啟南平生無兩

筆也余故韻其詩而珍藏之

墊情自密世情疎萬壑千崖一艸廬永日小樓坐
秋色奇人相對讀奇書

柴門秋淨樹陰疎蕭蕭宵征造友廬共向深山無
別計晤言惟有數行書

讀兩脩丈人說及見和鴻華菴詩却贈

不燒鉛汞不參禪說到雙脩便樂天丈人閣名七十者

齡今又八肉身菩薩地行仙

君是詩禪我酒禪莫論成佛與生天四時詩酒四

時共却被人呼兩個仙

題吳仲圭墨竹

梅花道人何太奇墨戲往往秋淋漓成竹臂中已
十丈蕭蕭只寫兩三枝

根蟠頑碧影捎雲一日誰能少此君半幅鴛溪數
竿玉好將秋色笑平分

誰寫瀟湘一段秋却疑坡老學湖州欲知此物能
醫俗好問當年王子猷

題王孟端枯木竹石用韻

西園存和 卷之十三 二
亭亭老幹伴新筠鐵屈搓捩石抱根但得歲寒長
晤對何須春色到柴門

離支社題壁

紅雲堆裡水晶丸仙液填囊沁齒寒我愛杜陵能
解事人前不肯說甜酸

石蜜蒲萄莫浪爭側生蹤跡本孤生從它上國無
知己却免紅塵觸熱行

陳紫方紅次第嘗蔡公偏愛宋公香老人不識甜
滋味笑殺新人十八娘

園公種樹老堪憐瞥見星苞樹樹懸爲報忠州瘴
太守白頭得啐已三年

香玉洞題壁

世人皆解愛梅花我愛梅花却當家種向窓前伴
孤枕爲勾霜月影窓紗

官閣不逢何水部羅浮錯遇趙司雄欲隨姑射仙
人住却在冰壺濯魄中

南枝綻放一枝新有客蒼顏笑幾巡爲語園丁休
浪折年來不寄泚頭人

湘纍雜佩正歲蕤何事梅花獨見遺可是行唵太
惟悴熱中不與冷香宜

五月十四日卽事

山林自有山林伴冠蓋還同冠蓋心久已山林避
冠蓋何煩冠蓋絕山林

題馬文璧秋林晚眺圖

蕭疎古木兩三株剩水殘山自一區閒却茅亭留
落日不知秋色惱人無

從白水磔過訪浴日主人不遇詩以懷之

田翁釋耒笑相迎四十年前識姓名報我主人忙

浴日爲君遊屐作新晴

四十年前曾過山房一宿

野盭新炊雲子香村前村後半登塲諸孫亦識原
田好笑向翁前羨渭陽

巨浸連天一葉舟兒孫扶持鏡中遊歸帆似載山

陰雪不是當年王子猷

白水磔在浴日山房之左飛瀑如雪陣余題之曰戰

寫墨竹壽內弟車福臺五十有一并贈以詩

瀟湘秋色兩三枝寫向華堂照壽卮却羨主人纔

西園存稿 卷之十三
半百雄名何必減車騎

邯鄲道上憶交親四十季來復幾人我已白頭君
綠鬢相逢莫惜醉千巡

望小桃源懷韓寅仲詩以勸駕

桃源驚說是比鄰欲借慈航試問津隔浦漁郎却
握手主人不是避秦人

雙林東望有幽棲苦竹叢中謝豹啼可是主人曾
問世不言桃李已成蹊

鴻華菴望水有感

福田爭說在修橋附郭良疇水盡漂歲歲老農畝曾
頂禮慈悲何以救青苗

鼈裙鴨脚付東流野老橋邊哭未休從此伊蒲無
一物直將忍水灌比丘

胡虞卿以素卷來索拙書有蘇書換羊之戲
遂書近作還之亦得戲語二十八字恐羊肉
不可換止堪換天妃廟畔茅柴一壺耳

窓明几淨墨花開曾戰山陰筆陣來多謝瘦羊賢
博士却將羊肉數斤回

哭朱季美

生前自負魯朱家客刺嘗聞載一車昔日虹岡金
石友相逢能否問西華

臨池我愛黎瑤石林然研曾憐鄧玉菴君去好尋林
太史鷺經鶻帖更須參

徹骨風流刺骨貧浪遊生計倦遊身與君同歲不
同老俱是人間失路人

交情莫向五羊論聚散惟知冷與暄此系雲移舊廬雙
白板想應題作翟公門

爲歐嘉可題溪山積雪圖

玄冥使者太痴頑戲觸天孫碎珮環散入墨池作
滕六霏、幻出玉溪山

萬斛瓊瑤撲地飛剡溪孤棹未應歸不知招隱綠
何事我愛袁安獨掩扉

過小桃源用前韻戲贈主人

桃花深處迥無隣曾許漁郎再問津溪雨亦知園
主意却從花底拒遊人

陰陰夏木傷禪棲何處提壺向客啼門榜傳言休

西園存雅 卷之十三
見面茂華不用掃花蹊

已未人日有感

宿雨初收日正晞迎暄花氣滿春衣饒它巧作薰
天餅不及園公菜甲肥

莫砌晴開七葉春宜人春色一番新若教剪綵爲
人勝莫像新人像舊人

題枯木竹石圖

飽餐霜雪古冥靈短篠蕭疎鳳刷翎共抱皴雲一
峯玉閒來長對草玄亭

題馮馬圖

注水驚看龍種躍却惜人間無情樂長嘶驥首啼
掀天奚官且莫輕籠絡

月影三章

歌慵舞懶更粧殘抱得琵琶莫浪彈却笑才人嫁
厮卒不如圖裏影常單

幽期空契博山爐誰道人間有丈夫自惜个中些
子事問郎能入畫圖無

圖成疑是卓文君一段琴心幾處聞但使妾身長

似月不妨圓缺兩平分

寫枯木竹石圖用來韻答謝朱元价宗伯并

識以詩

鹿豕木石皆可與徑絕雲深不知處數拳老碧數
枝秋一枕千山謝塵侶

美人遙在五雲端梁月長懸夢裡觀遙持一幅蕭
疎意共向天涯結歲寒

寫山水送李伯開

岩堯絕巘倚天開萬斛秋光染碧苔有客茅亭聞

抱膝隔溪童子借琴回

余士翹博士之任北流以詩見貽用來韻却

答

遙憶趨庭八桂年君行今贈敬亭羶骨高莫笑廣

文馬瓶罄誰貽司業錢北流先司徒故治鄰壤

出門春色正無涯鬱水湘山春更賒問字爭傳門

有雪佐饗應喜粥無砂郭林宗事

笑亥榕溪燈夕謠

金銀宮闕滿人間移得蓬萊第一山為憶漢宮祠

西園存稿 卷之十三
太乙不知徐福幾時還

天飛不用駕風雷吐燄迸光舞幾回可是照天無

蠟燭六龍今放燭龍來

誰植一角舞狂且古語有麒麟植刺負乘也不向人間吐玉書

滿腹光芒緣底事空留餘燼委枯渠

眈眈作慝滿郊圻帝遠官多總不知山高皇帝遠民少相公多

元至正間虎兇于今皆出柙祗應夜夜舞後貌

麒麟舞罷舞神羊鉦鼓無端鬧幾場今日神羊非

舊日奸邪不觸、忠良

一歲常勾五歲逋十錢完得一錢無欲呼共醉觀

燈去苦乏之餘錢過酒鑪

閉戶移燈拂凍蠅寒雲靄隗月鬢髻更憐賣犢虫

虫者止買戈鋌不買燈

萬井蕭條簇冷煙欲將燈火卜今年龍涼蝦線魚

文縷滿市高懸不值錢

烘堂繞坐滿兒孫膝下燈前酒一尊共願金吾嚴

禁夜石壕不復夜敲門

莫開華宴莫徵歌爾卜空傳吉語多九炁相憐如

賜福九炁天官以正月十五日賜福人間且饒今夕免催科

觀燈慎莫近官家翼虎咆哮盡押衙見說火符連
夜發蝮螻無地穴黃沙

杖藜不復渡星橋一室如水倍沈瀟有酒有詩思
老友無燈無月渡元宵

人日同人韓叔捷叅知以詩見貽用來韻却
答

兒童且莫賣瘵癡我愛瘵癡汝不知但願明朝新
勝舊休論昨日是耶非癡知四支非五微來韻通用故通用和之

甲子重逢又七年春光共曾不須錢我閒君健時
相見酒價何妨斗十千右元日

正月十五夜奉迎邑侯雨中觀燈雅集歲癸
亥余嘗為榕溪燈夕詞十二章今采民謠復

為甲子燈夕詞十六章撫今追昔喜可知也
去年此夕事堪悲此夕今年樂不支燈市縱橫穿
酒市銅鞮歌滿習家池

黻黷連霄半不開羅浮春色暗中回新晴未得報
鐘鼓惟願君侯駕月來

雨意雲情消盡樓蹒跚勃率少年遊亦知今夕娟
娟影不向尊前照白頭

干旄孑孑駐衡門燃粉熬稗釘木盆幸有兒孫能

執炙不妨烟雨共開尊

時命兒輩下食

深宵雨色尚溟濛鴉鴿猶旋錦繡叢待飲難招青

眼客停驂惟問白頭翁

煙火叢中帶雨歸香塵不動馬如飛莫教寶噫爭

馳道恐有奴鞭及主衣

見揚妃外傳蓋戒心於歲首三之日

今宵春色正無涯何事永輪不放華共喜君侯布

春澤欲令時雨潤烟花

燭龍星鳳簇駟虞錦紱祥麟夾路鴛車可是神君新

拊石四靈率舞滿康衢

躡雲携月踏蛟水曾到丹霄第幾層摘得九天星

萬點夜來散作萬家燈

繡戶朱門夜不扃南油西漆共熒熒一城萬影渾

如晝不是燈光是福星

兒童麩爾祝靈辰官位爭誇局局新自信使君能

賜福不須重問紫姑神

傳柑曾賜洞庭芳遙憶甘香夢裡嘗幸得右軍分
二百傳來却染令公香

星星一點乍高擎巧劇皆從火裡生惟有冷灰燃
不得勸君休笑附炎人

街頭拍掌笑聲歡線索由人態百般永夜不須觀
影戲滿街白晝更堪觀

家釀頻傾對使君玉娥何事臥層雲明宵縱說清
光在恐較今宵減一分

花事方新樂事多張燈置酒且高歌使君自是豐

年玉誰信明朝是耗磨

正月十六日
為耗磨之辰

夏日同諸君子泚榕溪與倚玉亭主人乞歌
妓不至

水兒錯比是紅兒妬柳嗔花老轉癡自笑白頭拈
絲筆爲它人作促粧詩

用平年兄有小舟日荷花片以詩索贈次來

韻賦答

我亦曾乘太乙蓮歸來錯問五湖船因君却欲凌
波去同伴靈龜葉上眠

西園存稿 卷之十三
塵緣勅斷勿相牽何必功成學計然
惟底莫愁不同載紅粧已伴白頭仙

玄真原是我前身不問乘桴擊楫人
安得常移五

石瓠

西園舟名

與君共結濯纓鄰

詔板何煩下鵠頭采芳已向水晶遊
一葉不防人負去咲他爭說壑藏舟

蘭橈不宿蓼花洲莫嶷山陰棹雪舟
歌罷採蓮龜作枕夢中亦是鏡中遊

誰傾北斗瀉銀河不羨河中挂壁梭
貫月有槎今老懶成都卜肆復誰遇

黑甜久已傲羲皇副墨名山萬古藏

用平有史日竊行於世

日枕流非洗耳疎慵應住水雲鄉

歌姬玉蘭口號見贈亦用其韻卽席答之

西園存稿

卷之三

七

右

二百五十二

燕子樓前未閉關
白頭常伴白雲閒
若向五湖同一泛
西園亦是鹿門山

老來春色却相關
花事匆忙苦未閒
見說藁砧真解事
可曾山上又安山

用前韻贈李文娥歌姬

無端老子出花關
轉入花叢便不閒
卧對玉蘭春夢起
陽臺又在—重山

新花何意傍柴關
花底遊蜂莫放閒
欲問青蓮采石後
江邊可有望夫山

又爲劉玉眞黃文燕黃玉英三歌姬卽席賦

雙槳何來載莫愁
尊前一曲月如鈎
但教黃閣廻青眼
莫遣紅裙咲白頭

飛花片片各東西
狼藉同沾濁水泥
尚喜枝頭春意鬧
黃鶯啼罷鶉鳩啼

千金一咲憶當年
擲果盈車數墜鞭
今日文園已消渴
當鑪休問杖頭錢

初秋寫山水寄林澹生道尊

蕭蕭秋色滿孱顏
萬斛烟光點染間
遙想真人在

天際應畱玄賞問溪山

清音小閣倚江臯白首憑欄望獨勞欲識烟霞真
面目殘山剩水試揮毫

芳春節曉晴登百尺樓倣王叔明山水

撩人春色百花妍盤礴登樓拂素牋試向樓前尋
粉本驪峰榕水艷陽天

戲駘老腕鬪春妍樹色山光忽滿牋興劇筆狂風
日好乍晴乍雨養花天

辛未歲除馮無文客止園貽詩饋食余分杖

頭錢餽之用來韻對使賦答

霧裡看花老病身年來魚鳥轉相親欲躡柴桑出
門乞授食喜有食魚人

懸毛兩目一閒身性癖耽佳筆研親室罄賣交聊
餽歲探囊分餉苦吟人

還拙老人五日還泰和贈以葛袍題其袂而
別之

廿年縞帶暫分携五日河橋贈綵絺清風兩腋歌
無數纏腰何須五色絲

寫西園秋色圖寄張紹和

好音曾憶十年餘
琬琰新編獨起予
百尺樓頭寫秋色
木瓜聊以報瓊琚

疎慵衰病老園公
芳訊頻來石戶翁
淨几明牕試遊戲
一幀數筆寄冥鴻

輕嵐薄黛浦疎林
却喜茅絢輟碧潯
爲語屋梁明月夜
夢來須向此中尋

蕭蕭晴色正堪憐
白首憑欄恩杳然
欲問西園真面目
山容水態在蠻牋

園居六十章

余園居二十餘年矣
僅得七言近體二十章
七言絕句二十五章
辛未冬十月五日
寅仲以春日園居錄見貽
爲詩凡六十章
洋洋灑灑迴環諷誦
起予者寅仲也
竊次來韻
凡兩晝夜亦得六十章
中有一二韻出入者
亦因寅仲而次之

閒階荒砌滿苔衣
晝永林空獨掩扉
爲語小厖休吠客
恐驚狎鳥各分飛

萬朵芙蓉一抹烟
蒸雲釀雨逗前川
窗外老梅香綻
玉溪邊
枯柳絮裝綿

春色無端到薜蘿
主人慵病柰春何
門前無數娟娟竹
喜有王猷日日過

村釀初香何處酤
青帘遙指隔重湖
自喜尋常無酒債
却憐衰懶有詩逋

長林春到未多時
閉戶留春莫惜遲
笑答孫孩問春信
且同小婦數花枝

兩肩白髮老園公
飲犢林邊伴牧童
笑語去時花影外
笛聲歸處月明中

今宵花信問明朝
幾處枝頭凍未銷
却恠五更花底雨
吹風葉破一庭蕉

莫問山禽與水禽
繞枝爭噪鏡中林
小園有樓上鏡林

主人舒一嘯
天風吹落鳳鸞音
梧竹週遭短徑斜
平分春色不須加
喜我花前春似酒
笑他海上棗如瓜

不向中逵問好仇
半生善草野蛩謀
亦知避世今無地
共說祈年已有秋

燕瘖鶯噤蝶倦時一分春色十分奇眼前奇處人
常共說與人人總不知

干旄子牙數停車絳韝傳呼為借書共縛牛腰尋
老蠹不知五色近何如

長把綸竿卯水東釣璜臺下笑非熊鼠穴紛爭網
角闔嘴邊烽火耳邊風

鱖魚腹子鱉輸芒萋岸蘆汀晝正長五石瓠瓠舟
中新釀熟客來莫厭渴姚羗

滄洲鎮上草茸茸白水青塘春正同拄杖寒雲裏無
遠近牧鷄人是白頭翁茸二冬同翁一兼

半生已癡烟霞癩一室長懸笠屐圖濁酒獨斟常
酪酏殘編長對自伊吾

屋樑明月不須懸醉向花前枕石眠欲付禪那還
古德且將項領讓時賢

渴飲休尋洗耳泉野歌何處唱原田喜聞社日今
朝是笑趁鷄豚賽有年

覓句常騎賈島驢歸來擊壤向康衢帝力如今春
共滿巍巍蕩蕩可名無驢六魚衢無七虞

西園存稿 卷之三
樓頭欹枕對斜曛，踈懶三分病，一分睡起數杯澆。
磊砢笑拈綵筆，欲凌雲。

曾對青藜太乙精，路通金碧，擷英靈。小婦年來知

筆札，挑燈口授伏生經。

精八庚
靈九青

誰能咄咄坐書空，叢桂淹留十畝中。家徒壁立，君

休笑萬軸牙籤，可是窮。

樓卧元龍架蔚藍。

小園有
百赤樓

沉瀟爲漿，日日酣笑問

粗豪，湖海氣如何。鏡裡白鬢髮。

鬢俗
作參

竹外歌諠，落日樵山歸，可是采芝謠。溪頭爭渡，漁

郎醉翻却魚筒，更折撈

雲開風定，雨常移。雨我新畚及，舊畝老圃年來曾

學稼，請聽布穀莫愆期。

榕溪新漲，碧微茫，網集前灘。鷺在梁，一曲可無還

可。似半篙堪濯，亦堪湘

披蓑不用鹿爲裘，放鶴亭邊放鹿遊。好語群麇且

攸，伏食苹切勿近高秋。

九還不用化黃金，何必蒲團戲五禽。養生主在機

心少，自信西園是灌陰。

較雨商晴不可憑晴來雨過晚霞蒸帶雨尊前花
欲語送晴簾外月生稜

林邊一水水邊山象嶺驪峰几席間無數烟鬟新
沐雨似勾詩債向柴關

老來生活在詩篇却被詩魔日繞纏自哂耽佳由
性癖翹生何事又爭權

驪龍領下數珠呈百赤樓對驪峰影滿南窓妬月明驚起

園公呼小婦笑聽童孺讀書聲

之事平章亦太勞甃奴秃婢作蕭曹洗竹澆花皆

情廢沿溪戲水說親家

白眼慵開恐見人登場傀儡一時新柳榆鬼子攔
街笑為笑園公病又貧

閉戶常繙玉局文科頭袒背對晴曛人嘲人解從
人意不學當年揚子雲

匏葉誰歌數問津朝來荷岸水痕新蕭蕭館畔蜻
蜓舞不避雙林把釣人園有雙樹林

地半黃墟半白沙偏宜老圃瘦桑麻天桃穠李能
粧點亦向遊人共放花

西園存稿 卷之三
五
疏水爲園已廿年每防波撼萬虞田雙池蓄水魚
千石不學陶朱師計然

挿籬編槿莫稀疎欲試園公種樹書抱甕索綯聊
度日數椽高枕果吾廬

生心無住是南能落葉歸根挂葛藤葺業有庵常
罵祖前身体擬德雲僧

月明曾約老漁翁爲伴玄真白浪中龜枕網簾涼
夢熟洞庭春色豈無功

幽棲用拙道常存不向桃花再問源春色滿園關
得住何須白晝掩柴門

數將生計問春光問得春光話更長止恐比隣惱
鶯鴨且隨村社問牛羊

花容爛熳鳥聲繁剝啄何妨日到門莫說門前雲
出岫商山原不在西園

烟霞已痼斷塵緣白首浮家范蠡船濁酒一壺書
一卷桃花深處艷陽天

白鶴洲前白鶴飛在陰常和弄斜暉冰壺門外雙
雙舞何日雲巢乳雪衣

黃鳥緝蠻雨露柯白羊點綴小兒坡莫教窓罅常

潛蝎且任墻涎共綴蝎柯五歌
蝎六麻

失不憂疑得不欣端居一閣有清音憑欄柱頰常

遐曠剩水殘山更會心欣十二文心
音十二侵

一溝來自白雲泉灌得荒畦已幾年隔水園蔬半

堪剪更驅犍犢墾城堧

透莫花神潤乃公登樓夜夜問陰宗密語林花湏

著意樓頭昨夜月如弓公弓一東
宗二冬

五齊錄事押柔郎果腹何須適莽蒼請向醉鄉留

日月少陵休宿贊公房

不學於陵亦灌園誅茅藩棘縛松門桔槔挂壁無

他事且共鄰翁出負暄

誰繫慈航雙樹堤天公到此不投霓為圍已種菩

提果極樂由來亦在西

莫道家貧只舊醅尊開更上一層臺最喜捲簾閒

野眺羅浮爽氣自西來

綠蘋紅蓼媚江天誰扣空江月下舷可是老漁歌

濯足圍公詩思忽如泉

月令驚看呂氏書忙將踪跡混樵漁尚帶餘寒試
春服尋春須在九春初

兒童拍掌報花開小婦殘粧帶笑來最愛山桃能
照水穀文風迥錦滌洄

高臺木末攬晴霞影帶歸鴉日欲斜萬斛春情向
何處扶筇先到耦耕家

松亭竹閣稍雲寥
草惟入厥木喬卒歲東皇長
作主園公不問玉衡杓

已構層樓上翠氛
鈞天廣樂幾回聞
四望江山如有待一時鳥獸可同群

秋日園居口號六十章

余既次韓寅仲春日園居絕句六十章皆
平聲也寅仲復以枝園志及自壽詩見貽
措大詩魔復勃勃地因拈上去入三聲凡
三晝夜復賦得六十章亦以西園唐突桃
源再呈寅仲非敢拋磚引玉第欲寅仲披
沙揀金云爾

徑荒客少門常鍵濯魄臺名臺前新月偃桂叢深處

足淹畱

亭名

頓覺地偏心自遠

行散榕堤逢鷓蚌須問十三禪八棒從今解脫莫
相持汝自修翎他短項

冠山海鼉戴笠蟻來扣柴扉何率爾倒屣空林喜
足音如何面目都非是

園林小有饒嘉卉更喜倚倚歌有斐秋深地癖堪
避人出門恐遇黎丘鬼

溪頭洗藥逢靈囿見語青雲已干呂白頭遺老六
朝人浮家長作魚鰈伴

寶祐橋邊鳴社鼓稚童牧豎婆娑舞兒孫携得社
肉歸笑付殘膏沃焦釜

老圃終年勤四體自喜今秋吾事濟麴蘖能了樂
難支瓶中尚有長腰米

晝涼攤飯尋黃嬾牽衣迎笑呼郎罷問誰能學入
分書甘分膝下先阿買

松栢歲寒柯不改芙蓉秋老花猶在薦爽西風曳
片雲邀雲泚筆遙相待

榻來林氣初淒緊芳草平原雉求牝日斜老圃荷

西園存稿 卷之三
三
鉏歸更過前林採芝菌

少女欲來飛磴矇窓前已覺林花動懷橘亭中秋
正新喜有前林黃熟橘

西園自是墻東隱驚看研帽簪紅槿舞向街頭更
不休笑破傍觀閒口吻

散髮時驚松露浣泥滿芒鞋月中澹閨儂何意好
登歸秋色撩人不暇懶

秧馬不騎牛解鞦州黃日會秋原獮老號食此日足
肥耳雉羹鹿炙山牝鬻

老覺方休還荷篠萬斛秋光飛木杪牛羊夕下邊
眼來閒倚柴門數歸鳥

小有園林秋不淺曾徵白帝迴青眼三徑未荒蕪
菊存安得陶潛同授簡

披裘曳杖歌西嶺宋玉悲秋空燥燥長壽宮前遇
老樵伴我羅浮拾瑤艸

科頭閒倚長松坐漁父携魚尋白墮相招一醉蓼
化洲對月同眠書畫舸

墨瀋流香筆能飽午夜燃鬚常至卯盡將殘睡還

前人幸免少陵日厮炒

終南山人毀蛛網笑引落花拂簾幌西風爲我惜
餘香飛向西園茵席上

閉戶據梧肘生柳休煩鑽一能觀九但令一日足
千秋何必千秋垂不朽

一頃豈其秋萬頃莫言竹竹下行厨冷瘵機尚可宿
春糧客來更有鳴牙餅

途窮不用門題鳳三益無從開無二仲有瓢獨往亦
獨歸會否逢人說春慶

半生匿跡茅茨迴藜藿腸中無肉酪采采頃筐蒲
蕨薇帶月歸來泥沒脛

誰從山燒分蕭艾問水休清沙不減却喜親人鳥
與魚時時索我形

衰老百罹無計避廣平曰巨真爲累園公何事夢
冤驚夜半敲門石壕吏

楓丹蘆白溪如錦恰受園舟航名中人晝寢停橈繫

竹竹吹風戛玉敲金常警枕

荷鋪劉伶痴小瘥一壺猶向柴車掛酒泉已竭酒

西園存稿 卷之三
星低醒眼畱看閒世界

風車雨隊花爲陣滿地落紅何足恪園了已報竹
平安莫向芙蓉城問訊

午雨蒲園秋霽霽對薜荔可衣蘭可佩天公有意苗
此徒一飯常兼三十菜

杯中有物由天運產在家人何必問園公苦乏枝
頭錢取醉時賒裴姥醞

玉板枯禪羹玉糝掃花鋪作披香毯鄰酤夜戶却
早關老圃酒狂乘月撼

幽懷無盡秋無限不問人間日復日一醉閒眠午
夢醒詩成可判秋光案

五月已看新穀糶農家愁嘆官家笑新征將及老
園公帶汗腰鎌刈蓬藿

無數溪山供指點登樓盤礴時揮染峩峩洋洋筆
底飛米蘇見說皆焚研

叢桂千株竹千个檀欒影度幽香過閒臨晉帖讀
唐詩此是園公老功課

架竹導泉常向澗新畦舊畹皆芻豢誰云學圃是

小人老圃心香求一瓣

華門圭竇繩樞舍論世齋頭殘玉架亦知身隱焉
用文舊業空憐墨為稼

市遠亦能供客饌黃柑舊醞槐芽麩入林投轄笑
披帷軟語相過須百遍

芙蓉欲採秋江上白鶴峰頭頻拄杖汎月垂綸點

翠洲在豐州西園公即西湖長

繞砌寒蟄啼月處曉來點點沾泥絮枕榔樹下玉
嶙峋一片古雲飛不去

藥室茶寮玄寄靜園之丹室也松深竹密華胥境草玄

時有問奇人下榻焚香繙內景

冷香吹入羅浮夢挂月凌風踈影動飛雲忽送縞

衣來翡翠欲巢香玉洞園之種梅處

一壑一丘雲水窟休誇蓬島金銀闕墻內樓高可

看山欄邊池小偏留月

朝闕岫嶮暮石鼓客多問字常揮塵書帶盈堦翰

墨林藜光浦室圖書府翰墨林圖書府皆園齋名

雞群一入羽毛鍛為嘆德衰長抑噫阿巢園閣名秋

老復來嬉

園有鳳
嬉閣

琅玕寶浦清涼界

名館

柿葉常書池水黑策勲載在中山國玄香異氣結

樓臺為愛鵞群書道德

土右軍書黃庭經換鵞二云書道德
經一云黃庭道德皆兩書之皆換鵞也

流火前宵何太驟東籬漸覺秋先漏年來宋玉不

悲秋莫遣黃花比人瘦

溪邊一室纔容膝泥飲高陽嘗滿室園公亦是叔

明家為報徂徠逸有七

園有七
逸臺

菜花猶自飛蝴蝶田畷相招携野饁莎鷄在身支

何其井上梧桐飄一葉

茫茫何處秋先到飲露嘶風爭報道領畧秋光不

在言好聽園公休更噪

燈前搔背因捫蝨小婦持杯澆綵筆伴月飛來何

處秋多情獨

旱龍爭躍雲侯封何足慕蕭蕭一館青

瑤流欲覓梁園枚乘賦

梭擲流年歌踏踏為笑池蛙長閣閣一枝分得萬

山秋更笑南飛繞三匝

落花莫惜西風掃春色何如秋色好請看江上小

堂秋風雲日日堪娛老

昨夜風來破茅屋尚畱殘暑蒸林麓榕溪午浴詠
而歸試授秋衣換春服

豐草長林堪偃息風雲門在檀園側園公不是素
餐人鏡天閣上歌縣特

太平橋上觀魚者曲防不欲從流下鳴榔却擬八

節灘桃花源有香山社

西園未自是神仙宅勝侶名流時輟輒園公襍穢日

追隨珍重到門題鳳客

病目數月醫不奏效計當從東門伯遊矣友
人有以白眼看他世上人見戲者因卽其語
韻爲七章以答之

西園老友東門伯貿貿媻妍何用擇亦知美少髻
能青爲道園公眼今白

珍重昌黎意無限親戚猶聞常覘管具昌黎詩觀天不

必用雙瞳閱世尚能番隻眼

暗中摸索亦何難不向青姑說止觀夜夜持杯番
月對朝朝披霧覓花看

井上未逢糟食李紫稜石被白雲遮莫道碧珠看
未定尚堪左右顧言他

幸已息黥兼補劓造特猶令常目醫但得身爲世
外人不須眼看人間世

老我形骸真骯髒人放何如天亦放箭鋒雖錯處
懸中崑電尚流牛背上

物態時情日日新正須閉目且藏身一聲長咲入
林者萬事搖頭出世人

邑侯峯翁大詞宗番題小園次來韻賦謝序

侯令博羅獲上信下兩年如一日矣公曰

桃李藥籠參苓四境無棄物者獨知之契

物外之交惟萱一人實徼福焉一旦惠賜

表廬曰

聖世人龍何物老圃能無媿色而侯過情之

譽有加無已復不惜綵毫更題嘯傲烟霞

一榜永光衡泌且貺以珠玉不一而足謂

爲老圃真面目以傳老圃之神豈抱甕荷

鋤者亦有葑菲可采乎九頓拜嘉卽懸於

百尺樓頭喜而欲狂步侯來韻勉短賦謝
珠玉在前不辭形穢

吾衰不復夢周公一枕空高五嶺東誰唱銅鞮驚
午睡習家池畔候花驄

殘山剝水白雲居敢謂曾焚學士魚探奇忽駐葵
門駕問字同繙寶積書

巡行阡陌尋荒墅爲問桑麻時軟語响雉皆隨竹
下車燃犀共照林邊渚

依劉一日足千秋欲向琴堂乞一等非是澹臺不
由徑年來已逐赤松遊

頑仙住世本痴凱宿業迷深宿命乖入林自喜狎
麋鹿當道于今絕虎豺

壽表姪謝文石時文石遊端州

壽星高處紫雲函浮礎靈鍾自不凡文石如今卽
安石東山不卧卧星巖

絳帳高懸端水澹筆耕舌耨樂難支人中看壽天
中節長命何須五色綵



... 來報友人中... 天...
... 安... 今...
... 歸...
... 歸...

